

Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka



Агенција за развој високог образовања
и обезбјеђивање квалитета
Босне и Херцеговине
Бања Лука

Agency for Development of Higher Education and Quality Assurance of Bosnia and Herzegovina

Broj: 05-33-2-124-2/20
Banja Luka, 17.05.2020. godine

Na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), u postupku akreditacije visokoškolske ustanove **Univerziteta u Bihaću**, na osnovu prijedloga Ministarstva obrazovanja, nauke, kulture i sporta Unsko-sanskog kantona, direktor Agencije za razvoj visokog obrazovanja i osiguranje kvaliteta Bosne i Hercegovine donosi

R J E Š E N J E

**o imenovanju Komisije domaćih i međunarodnih stručnjaka
koji daju ocjenu i obavljaju reviziju kvaliteta i daju preporuke o akreditaciji
visokoškolske ustanove Univerziteta u Bihaću**

1. Imenuje se Komisija domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova (u daljnjem tekstu: Komisija stručnjaka) u postupku akreditacije visokoškolske ustanove **Univerziteta u Bihaću** u sljedećem sastavu:
 - 1) *Prof. dr Merida Manjgo*, predstavnik akademske zajednice u BiH - predsjednik Komisije stručnjaka;
 - 2) *Prof. dr Ensar Mekić*, predstavnik akademske zajednice u BiH, član Komisije stručnjaka;
 - 3) *Prof. dr Aleksandar Božić*, međunarodni stručnjak, član Komisije stručnjaka;
 - 4) *Borko Sorajić*, predstavnik privrede i prakse, član Komisije stručnjaka;
 - 5) *Mirza Oruč*, student, član Komisije stručnjaka
2. Komisija stručnjaka iz tačke 1. u postupku akreditacije postupat će na osnovu Okvirnog zakona o visokom obrazovanju u Bosni i Hercegovini (u daljnjem tekstu: Okvirni zakon), Odluke o normama kojima se određuju minimalni standardi u području visokog obrazovanja („Službeni glasnik BiH“, broj 100/11 i 26/19), Odluke o kriterijima za akreditaciju visokoškolskih ustanova u Bosni i Hercegovini („Službeni glasnik BiH“, br. 96/16), drugih dokumenata Agencije za razvoj visokog obrazovanja i osiguranje kvaliteta Bosne i Hercegovine (u daljnjem tekstu: Agencija) kojima je uređen postupak akreditacije, kao i propisima Ministarstva obrazovanja, nauke, kulture i sporta Unsko-sanskog kantona, koji su usklađeni sa Okvirnim zakonom i dokumentima Agencije uključujući i propise o kvantitativno normiranim kriterijima ljudskih i materijalno-tehničkih resursa neophodnim za rad visokoškolskih ustanova i izvođenje studijskih programa, posebno onih koji se realiziraju „na daljinu“.

3. Komisija stručnjaka dužna je u roku od najduže 30 dana od posjete visokoškolskoj ustanovi sačiniti nezavisan Izvještaj o eksternoj evaluaciji visokoškolske ustanove koji treba biti napisan jasno i razumljivo, na jednom od službenih jezika u Bosni i Hercegovini i na engleskom jeziku, bez oznaka (memorandum, logotip i dr.) nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta koje upućuje na zavisnost rada Komisije stručnjaka od navedenih i drugih subjekata.
4. Komisija stručnjaka dužna je konačni Izvještaj o eksternoj evaluaciji visokoškolske ustanove dostaviti Agenciji.
5. Rješenje se dostavlja imenovanim članovima Komisije stručnjaka i nadležnoj obrazovnoj vlasti radi zaključivanja ugovora sa svakim članom Komisije stručnjaka kojim se preciznije uređuju prava i obaveze ugovornih strana, utvrđeni tačan iznos naknade za rad Komisije stručnjaka i rok isplate koji ne može biti prije izdavanja preporuku o ishodu akreditacije od strane Agencije.
6. Kontakt osoba za komunikaciju sa Agencijom je Aida Savić.
7. Rješenje stupa na snagu danom donošenja.

O b r a z l o ž e n j e

Ministarstvo obrazovanja, nauke, kulture i sporta Unsko-sanskog kantona, (u daljnjem tekstu: Ministarstvo USK) dostavilo je dana 18.03.2020. godine Zahtjev za reakreditaciju **Univerziteta u Bihaću**, broj 10-34-2914-6/2020 od 17.03.2020. godine u kojem je predloženo da Agencija za razvoj visokog obrazovanja i osiguranje kvaliteta Bosne i Hercegovine imenuje Komisiju stručnjaka koja će obaviti posjetu predmetnoj visokoškolskoj ustanovi i, na osnovu utvrđenog stanja, dati mišljenje o ishodu akreditacije predmetne visokoškolske ustanove.

Cijeneći sadržaj podnesenog prijedloga, a postupajući u skladu s Instrukcijom o načinu imenovanja komisije stručnjaka za akreditaciju, 05-02-1-71-1/16 od 28.1.2016. godine Agencija je utvrdila sljedeće činjenično stanje. Na osnovu uvida u Listu stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa, koja je dostupna na internet stranici Agencije, utvrđeno je da se predloženi članovi Komisije nalaze na utvrđenoj Listi stručnjaka. Dalje, provjerom dostupnosti predloženih stručnjaka i sukoba interesa u pogledu visokoškolske ustanove koja je predmet eksterne evaluacije, utvrđeno je da predloženi stručnjaci nisu u sukobu interesa s visokoškolskom ustanovom koja je predmet eksterne evaluacije i da su isti dostupni u narednom periodu u kojem se ima obaviti posjeta visokoškolskoj ustanovi i sačiniti Izvještaj o eksternoj evaluaciji visokoškolske ustanove.

Komisija stručnjaka u postupku akreditacije visokoškolske ustanove **Univerzitet u Bihaću** dužna je primjenjivati Okvirni zakon kojim su propisane nadležnosti učesnika u postupku akreditacije, Odluku o normama kojima se određuju minimalni standardi u području visokog obrazovanja u Bosni i Hercegovini (u daljnjem tekstu: Odluka o normama) kojim je detaljnije regulisan način rada komisije stručnjaka i sadržaj Izvještaja o eksternoj evaluaciji.

Dalje, Komisija stručnjaka dužna je primjenjivati Odluku o kriterijima za akreditaciju visokoškolskih ustanova u Bosni i Hercegovini („Službeni glasnik BiH“, broj: 96/16), kojom su utvrđeni kriteriji čiju ispunjenost provjerava Komisija prilikom posjete visokoškolskoj ustanovi i ocjenu usaglašenosti visokoškolske ustanove sa kriterijima Komisija stručnjaka detaljno opisuje u svom Izvještaju uzimajući u obzir i utjecaj postojećih kvantitativno

normiranih indikatora ljudskih i materijalno-tehničkih resursa ustanove na ispunjenost kriterija broj 5 i 6.

Također, Komisija stručnjaka u svom radu primjenjivat će i zakonske i podzakonske akte koji regulišu oblast osiguranja kvaliteta visokoškolskih ustanova na području Unsko-sanskog kantona koji su usklađeni sa Okvirnim zakonom i dokumentima Agencije uključujući i propise o kvantitativno normiranim kriterijima ljudskih i materijalno-tehničkih resursa neophodnim za rad visokoškolskih ustanova i izvođenje studijskih programa, posebno onih koji se realiziraju „na daljinu“.

Odlukom o normama propisano je da vanjsko osiguranje kvaliteta treba biti organizirano tako da se odluke o kvalitetu donose nezavisno od nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta, izbjegavajući bilo koji sukob interesa. Slijedom navedenog, imenovana Komisija stručnjaka, kao nezavisno tijelo, dužna je sačiniti Izvještaj o eksternoj evaluaciji koji treba biti napisan jasno i razumljivo, na jednom od službenih jezika u Bosni i Hercegovini i na engleskom jeziku, bez oznaka (memorandum, logotip i dr.) nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta koje upućuje na zavisnost rada Komisije stručnjaka od navedenih i drugih subjekata.

Konačan Izvještaj o eksternoj evaluaciji Komisija stručnjaka dostavlja Agenciji. Na osnovu dostavljenog Izvještaja o eksternoj evaluaciji, u kojem je sadržano mišljenje Komisije stručnjaka o ishodu akreditacije visokoškolske ustanove, Agencija daje preporuku o ishodu akreditacije nadležnoj obrazovnoj vlasti na osnovu koje se donosi rješenje o ishodu akreditacije visokoškolske ustanove.


Ovo Rješenje se dostavlja imenovanim članovima Komisije stručnjaka i nadležnoj obrazovnoj vlasti radi zaključivanja ugovora sa svakim članom Komisije kojim će se preciznije regulisati prava i obaveze ugovornih strana, utvrđeni tačan iznos naknade za rad Komisije stručnjaka i rok isplate koji ne može biti prije izdavanja preporuku o ishodu akreditacije od strane Agencije.

Pravna pouka:

Protiv ovog Rješenja može se izjaviti prigovor direktoru Agencije u roku od 8 dana od dana prijema.

Dostavljeno:

1. Imenovanim članovima
Komisije stručnjaka,
2. Ministarstvu USK
3. Sektoru 05
4. arhivi



DIREKTOR

[Handwritten signature]
Prof. dr. Enver Halilović

Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka



Агенција за развој високог образовања
и обезбјеђивање квалитета
Босне и Херцеговине
Бања Лука

Agency for Development of Higher Education and Quality Assurance of Bosnia and Herzegovina

Broj: 05-33-2-124-3/20
Banja Luka, 16.06.2020.godine

Na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), u postupku akreditacije visokoškolske ustanove **Univerzitet u Bihaću**, na osnovu prijedloga Ministarstva obrazovanja, nauke, kulture i sporta Unsko-sanskog kantona, direktor Agencije za razvoj visokog obrazovanja i osiguranje kvaliteta Bosne i Hercegovine donosi

RJEŠENJE O IZMJENI RJEŠENJA

o imenovanju Komisije domaćih i međunarodnih stručnjaka
koji daju ocjenu i obavljaju reviziju kvaliteta i daju preporuke o akreditaciji
visokoškolske ustanove Univerzitet u Bihaću

1. U Rješenju o imenovanju Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolske ustanove **Univerzitet u Bihaću** broj 05-33-2-124-2/20, od 17.05.2020. godine, briše se kao član Komisije Mirza Oruč i imenuje **Ozren Trišić, student**.
2. Rješenje stupa na snagu danom donošenja.

Obrazloženje

Rješenjem broj 05-33-2-124-2/20, od 17.05.2020. godine imenovana je Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolske ustanove Univerzitet u Bihaću u sastavu:

- 1) Prof. dr Mersida Manjgo, predstavница akademske zajednice u BiH - predsjednica Komisije stručnjaka;
- 2) Prof. dr Ensar Mekić, predstavnik akademske zajednice u BiH, član Komisije stručnjaka;
- 3) Prof. dr. Aleksandar Božić, međunarodni stručnjak, član Komisije stručnjaka;
- 4) Borko Sorajić, predstavnik privrede i prakse, član Komisije stručnjaka;
- 5) Mirza Oruč, student, član Komisije stručnjaka.

Tokom aktivnosti u vezi sa pripremom Komisije stručnjaka za posjetu visokoškolskoj ustanovi Univerzitet u Bihaću član Komisije stručnjaka Mirza Oruč, student, je dana 12.06.2020. godine mailom obavijestio Agenciju da se zbog inteziviranih aktivnosti na odbrani njegove doktorske disertacije smatra nepogodnim za člana ove Komisije, zbog skorog gubitka statusa studenta, i

70
sam je predložio izmjenu člana, kako bi se proces akreditacije Univerziteta u Bihaću nastavio nesmetano odvijati.

Na osnovu akta Ministarstva obrazovanja, nauke, kulture i sporta Unsko-sanskog kantona broj 10-34-2914-6/20, od 17.03.2020.godine sa prijedlogom za imenovanje Komisije za akreditaciju Univerziteta u Bihaću, Agencija je izvršila potrebne provjere sukoba interesa i dostupnosti stručnjaka iz kategorije studenti, te na temelju toga izabrala Ozrena Trišića kao zamjenu za Mirzu Oruča.

U preostalom dijelu Rješenje broj 05-33-2-124-2/20, od 17.05.2020.godine ostaje neizmijenjeno.

Pravna pouka:


Protiv ovog Rješenja može se izjaviti prigovor direktoru Agencije u roku od 8 dana od dana prijema.

Dostavljeno:

1. Imenovanim članovima
Komisije stručnjaka,
2. Ministarstvu obrazovanja, nauke, kulture i
sporta Unsko-sanskog kantona
- ③ Sektoru 05
4. arhivi

DIREKTOR

Prof. dr. Enver Halilović
Prof. dr. Enver Halilović



Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka



Агенција за развој високог образовања
и обезбјеђивање квалитета
Босне и Херцеговине
Бања Лука

Agency for Development of Higher Education and Quality Assurance of Bosnia and Herzegovina

Broj: 05-33-2-124-5/20
Banja Luka, 10.07.2020.godine

Na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), u postupku akreditacije visokoškolske ustanove **Univerzitet u Bihaću**, na osnovu prijedloga Ministarstva obrazovanja, nauke, kulture i sporta Unsko-sanskog kantona, direktor Agencije za razvoj visokog obrazovanja i osiguranje kvaliteta Bosne i Hercegovine donosi

RJEŠENJE O IZMJENI RJEŠENJA

o imenovanju Komisije domaćih i međunarodnih stručnjaka
koji daju ocjenu i obavljaju reviziju kvaliteta i daju preporuke o akreditaciji
visokoškolske ustanove Univerzitet u Bihaću

1. U Rješenju o imenovanju Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolske ustanove **Univerzitet u Bihaću** broj 05-33-2-124-3/20, od 16.06.2020. godine, briše se kao član Komisije **prof.dr.Aleksandar Božić** i imenuje **prof.dr. Damir Magdić, međunarodni stručnjak**.
2. Rješenje stupa na snagu danom donošenja.

O b r a z l o ž e n j e

Rješenjem broj 05-33-2-124-3/20, od 16.06.2020. godine imenovana je Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolske ustanove Univerzitet u Bihaću u sastavu:

- 1) Prof. dr Mersida Manjgo, predstavnik akademske zajednice u BiH - predsjednica Komisije stručnjaka;
- 2) Prof. dr Ensar Mekić, predstavnik akademske zajednice u BiH, član Komisije stručnjaka;
- 3) Prof. dr.Aleksandar Božić, međunarodni stručnjak, član Komisije stručnjaka;
- 4) Borko Sorajić, predstavnik privrede i prakse, član Komisije stručnjaka;
- 5) Ozren Trišić, student, član Komisije stručnjaka.

Tokom aktivnosti u vezi sa pripremom Komisije stručnjaka za posjetu visokoškolskoj ustanovi Univerzitet u Bihaću, član Komisije stručnjaka prof. dr. Aleksandar Božić, međunarodni stručnjak je dana 09. 07. i 10.07.2020. godine mailom obavijestio Agenciju da zbog neizvjesne i generalno loše situacije u Republici Srbiji moli da se hitno preduzmu sve mjere i izabere novi

međunarodni ekspert za člana Komisije, kako bi se proces akreditacije Univerziteta u Bihaću nastavio nesmetano odvijati.

Na osnovu akta Ministarstva obrazovanja, nauke, kulture i sporta Unsko-sanskog kantona broj 10-34-2914-7/20, od 10.07.2020.godine sa prijedlogom za imenovanje Komisije za akreditaciju Univerziteta u Bihaću, Agencija je izvršila potrebne provjere sukoba interesa i dostupnosti stručnjaka iz kategorije međunarodni stručnjaci, te na temelju toga izabrala prof.dr. Damira Magdića kao zamjenu za prof.dr. Aleksandra Božića.

U preostalom dijelu Rješenje broj 05-33-2-124-3/20, od 16.06.2020.godine ostaje neizmijenjeno.

Pravna pouka:

Protiv ovog Rješenja može se izjaviti prigovor direktoru Agencije u roku od 8 dana od dana prijema.

Dostavljeno:

1. Imenovanim članovima
Komisije stručnjaka,
2. Ministarstvu obrazovanja, nauke, kulture i
sporta Unsko-sanskog kantona
- ③ Sektoru 05
4. arhivi

DIREKTOR

[Signature]
Prof. dr. Enver Halilović

